

Meta Social Club ta presenta Color Explosion

ORANJESTAD -- Meta Social Club ta bayendo "all out" cu e bandanan Duro, Nfuzion y S-United pa tur parada y tin algun luga ainda pa masa y seccion obtenibel pa e diferente paradanan. E participacion di Meta Social Club na Carnaval 60 ta un forma cu e empleadonan di e compania aki y nan amigonan ta contribui na engrandecede nos Carnaval y na haci e celebracion di e aniversario di diamanta mas grandi y anima. Pa e paradanan di anochi, Meta Social Club ta presenta "Color Explosion", cu ta inspira pa e estilo di Tivoli Club Lighting Parade. E grupo ta presenta un celebracion di colornan neon y alegria cu blacklight cu tin su impacto tanto pa e 3 roadpiece, un carosa y nan banner. A recluta algun Carnavalista - expertonan den traha carosa y roadpiece - cu hopi experiencia pa yuda realisa e grupo aki, cual ya tan conta cu caranan hopi conoci den mundo certamennan di beyesa, eleccion di reina di Carnaval y gruponan di Carnaval. E compania a haya hopi peticion di parti di su em-



pleadonan pa haci algo special pa Carnaval 60 y a responde cu un apoyo masha grandi pa Meta Social Club. Por participa den tur cuater parada, pero tambe pa cada parada riba su mes, cual ta cumbini sigur e Carnivalistanan cu tin nan preferencia pa un of otro parada y no ta desea di bay tur. Naturalmente e inscripcion ta inclui un 'Premiun open bar' cu productonan di Tropical Bottling Co.; Coca Cola, white zinfandel, biña blanco y cora, Dewar's whisky, Bacardi rum, Chill, vodka, Awa, Power Aid,

Fuze Ice Tea y Diet Coke. Empleadonan di MetaCorp ta ricibi un descuento special riba nan participacion

pa cada parada, como tambe pa e paketenan di parada. E diferente seccionnan ta MetaCorp, The Cinema's, New York Laundry, Tropical Bottling Co., ATCO, EcoTech, Renaissance Mall & Marketplace, Crystal & Seaport Casinos y Renaissance Aruba. Esakinan ta tur e companianan cu ta pertenece na MetaCorp y cu masha orguyo y hopi entusiasmo cada un seccion ta wordo presenta pa Meta Social Club. E pakete pa tur cuater parada ta di Afl. 1325 pa empleado y Afl. 1500 pa no empleado. Pa loke ta e prijs pa masa durante parada di den dia na San Nicolas y na Playa ta

Afl. 825 pa empleado y Afl. 925 pa no empleado. Y, pa participa solamente na e dos paradanan di anochi, cual ta Parada di Luz na San Nicolas y Lighting Parade na Playa, ta sali Afl. 425 pa empleado y Afl. 475 pa empleado. Tin cupo pa paradanan individual tambe, cual ta costa: pa Lighting Parade OF Parada di Luz, Afl. 325 pa persona pa empleado y Af. 425 pa no empleado; pa Parada di San Nicolas OF Gran Parada na Playa empleadonan tan paga Afl. 700 pa persona y no empleadonan ta paga Afl. 800. E trabao a cuminsa na maart caba, ora cu un grupo di empleado di MetaCorp a acerca Ryan Maduro y John John Flemming pa forma un grupo. E entusiasmo y ideanan tabat'ey y a dicidi di cuminsa traha di biaha. E resultado ta un colaboracion fabuloso! Pa inscripcion y pa wak tur disfraz, tanto pa e paradanan di anochi, como esunnan den dia, por acudi na e cede di Meta Social Club den siman for di 4:30 p.m. pa 10:00 p.m. y den weekend for di 5:00 p.m. pa 10:00 p.m. □

